



PREZIDÉNSIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

Komunikadu Imprensa

Sorumutuk Konsellu Ministrus nian iha loron 19 fulan-fevereiru tinan 2021

Konsellu Ministrus hala’o sorumutuk iha Palásiu Governu, iha Dili, no aprova ona projetu Proposta Lei ba **alterasaun daruak kona-ba Lei n.11/2009, loron 7 fulan-outubru, kona-ba Divizaun Administrativa Territóriu nian**, ne’ebé propoin husi Ministru Administrasaun Estatál, Miguel Pereira de Carvalho. Lihusi Proposta Lei ida ne’e, sei submete ba Parlamentu Nasionál, ne’ebé ho objetivu atu kria sirkunskrisaun administrativa foun ida eskalaun dahuluk nian, Munisípiu Ataúru, ne’ebé territóriu, illa Ataúru nian, maka baze ba Postu Administrativu Ataúru, Munisípiu Dili nian, ne’ebé la eziste ona. Objetivu husi Proposta Lei ne’e mós atu kria Postu Administrativu Hatulia B nian, iha Munisípiu Ermera, lihusi divizaun sirkunskrisaun administrativa nian korrespondente ba Postu Administrativu Hatulia. Iha Munisípiu Lautein, ho alterasaun proposta ne’e, sei kria Postu Administrativu Loré nian, lihusi divizaun sirkunskrisaun administrativa korrespondente ba Postu Administrativu Lospalos nian.

Governu delibera ona atu propoin ba Sua Exelénsia, Señor Presidente Repúblika, Francisco Guterres Lú Olo, **renovasaun estadu emerjénsia nian**, ba loron tolunulu tan. Haree ba mudansa preokupante husi situasaun epidemiolójika no proliferasaun ba kazu sira ne’ebé mak rejista ona husi kontájiu COVID-19 nian, tantu iha nivel rejionál, no mós iha nivel mundiál, no atu evita no neutraliza risku sira husi propagasaun SARS-CoV-2, atu nune’e bele proteje saúde públika no iha kbiit atu hatán ba Sistema Nasionál Saúde nian, Governu propoin ba Señor Presidente Repúblika katak, ho renovasaun estadu emerjénsia nian ne’e, permite atu suspende ka limita direitu no garantia fundamentál balun.

Ikusliu, Ministru Ensinu Superiór, Siénsia no Kultura, Longinhos dos Santos, apresenta **opsaun polítiku-Lejizlativa sira ne’ebé sai hanesan baze ba projetu lejizlativu ba kriaun garantia finanseira nian ba liña Kréditu “Ensinu Superiór Kualidade +”** ne’ebé destina ba apoiu finanseiru instituisaun sira Ensinu Superiór Privada ne’ebé iha Akreditasaun. Opsaun sira ne’ebé apresenta ba kriaun liña kréditu ida ho taxa jurus



Palácio do Governo,
Avenida Presidente Nicolau Lobato,
Dili, Timor-Leste



PREZIDÉNSIA
KONSELLU
MINISTRUS

VIII GOVERNUN KONSTITUSIONÁL



Gabinete
Porta-Voz

ne'ebé ki'ik iha objetivu prinsipál atu permite hadi'a qualidade ensinu superiór nian, tanba ho asesu ba finansiamentu, instituisaun sira ne'e bele hadi'a sira-nia infraestrutura no kapasita sira-nia rekursus umanus. **REMATA**



Palácio do Governo,
Avenida Presidente Nicolau Lobato,
Dili, Timor-Leste